

Transkription von Urkunde QBD 1451c

Ort, Datierung: Quedlinburg, 1451-06-30

Signatur: Stadtarchiv Quedlinburg, Abt. V, 374

Inhalt: Hans Keyser und Hans Fricken, Vorsteher von St. Blasii zu Quedlinburg: Rentenbrief

Ek hans keyser vnd(e) hans fricken Jtsu(n)d alderlude vnde vorstende(re) des goddeshüses / sancty blasij to Qüedelingborch be kennen i(n) dussem open breüe vor al den de ðn sehen hore(n) / edder lesen dat we myt vulbord witschup vnde will(e)n vnser parlude ge meine hebben vor/kofft vnde vor kopen in crafft düsdes breües eyn schokwert geldes jarliker gulde Quede=/lingb(or)gescher wering(e) dem be schedene he(n)nig üse Rislinghe¹ vnsem Cüstere kathe(r)inen sy=/ner Elikē hüsrowen to orer beider liüe vnde hebben ðn dat ge gheüen vor xij / schok der suluen weringe de we vorder hebben ge lecht vnde gekard in vnser goddes=/hüses nüd vnde vromen dat vor ge screüen schokw(er)t geldes schülle we vn(de) will(e)n vnde vnse / nakomelinge ðne reken vnde geüen alle jar vp vnser leüen heren goddes hy(m)meluart / vmbekümmert gēstlikes edder wertlikes gericht(es) vnde rechtes de wile se beide leüen na =/ gifft düsdes breues² wen se aüer van dodes wegen beide aff ghe ghan syn god vriste se lange / So synt so dane tinse myt dem houetgüde vnsem goddeshuse Quid ledich vnde los gestor=/uen ane insprake orer erüen vnde eynes jowelken Des to bekanntnisse vnde merer wissenheit / hebbe we alderlude ergn(an)t(e) one dussen breff ge gheuen vor segelt vor vns vnde vor alle / vnse nakomelinge myt vnser goddeshuses angehengeden Jnges(egel) de ge ghefen is na (cristi) / ghebord vnser leuen heren düsent vērhu(n)dert jar dar na in dem eyn vnde vifftigest(en) / jare in vnser leuen heren goddes hy(m)meluart aüende

¹ andere Lesart: he(n)nigüse Rislinghe

² breues von gleicher Hand neben der Zeile eingefügt